

玉珏
詞

下卷

已巳年抄本
已丑年重裝

善本

山花子

懷園次西湖

楊柳風吹湖上邨
段橋煙月鎖愁人
杜宇聲中離別後
幾消魂
水漲堤橋分雪浪
花迷洞壑擁香雲
客處襟懷間處著
易黃昏

虞美人

花、葉、枝、嫩感損柔腸一寸拾起半天風
韻蝶懶鶯慵困紅牋倦寫縈愁悶自覺與春
無分睡鴨、塘雨潤點、離人恨

紅娘子

贈漁父

小、蜻蜒舫曲、荷花蕩兩岸垂楊一橋斜月
送君來往聽春鳥聲裏喚行人且留春不放

竹影茶蘼釀魚沫平蕪漲細雨斜風書舟畫扇
荻蘆門巷倩麻姑搔去許多愁且隨波飄蕩

鵲橋仙

寄楊炯伯

楊柳津頭梨花欄外多少斷腸芳草故人傳夢
到江南待喚起催歸雙鳥陵煙湖雨斜陽衰
髻驚問六朝人老醉鄉真是醒無期願與子平

分仙島

好事近

自題種雪齋

懶與病相兼
卧看春風蛺蝶
只有瑤琴挂壁漏
松間明月
蕭然一室坐
維摩名利都休歇
忽見散花天女
踏洞庭種雪

水龍吟

雨中寄題侯記原明月堂

朱藤綠篠園林湘簾晝捲人如玉一軒梅雨半
欄風絮燕巢華屋萬柄荷香幾枝榴豔鴛鴦雙
浴想鵲頭初漲禾頭生耳溪堂下疑空谷自
戒扁舟去後撥三絃誰翻新曲夢繞西池魂消
南苑願騎黃鵠玉蕊坡前碧環窻外屢歎霜竹
小斜川眉山父子夷門重續

滿江紅

送宋荔裳北上

祖帳初開止不住金臺行色羣英會王家子弟
謝家賓客齒菑池邊屏列錦蒲萄架下尊浮雪
唱驪歌折柳上河橋真離別梅花賦心如鐵
高唐館風生腋贈斷腸詩句大江南北盡舫秋
停荒戍雨津亭夜醉長淮月待何時落葉滿長

安朝天闌

滿庭芳

送李彝長北遊兼寄紀伯紫

紅藥翻階黃花繞砌送君舟過吳山津亭堠館
吹徹玉笙寒試問金臺何似高千尺聳出雲端
扶殘醉撫琴擊筑長嘯倚欄杆偶然思慙叟
鶴觴遙勸雁柱空彈羨芙蓉綠水幕府清懽愧

我青霜點鬢人顚顚不遇裴寬重陽後短衣匹
馬落葉滿長安

念奴嬌

贈宣城沈方鄴時方鄴歸自顚南

顚南何處把沈郎詩句香生茅屋偉幹修翮湖
海氣萬卷便々盈腹興助江山情深花鳥聲歡
柯亭竹筆床硯匣幾番消受歌筵我愛宛水

姑溪玄暉太白寫出人如玉今日相逢吳市裏
疑是梁鴻梅福和女悲秋倡予弔古被酒撫琴
筑重陽節到東籬正綻黃菊

贈女郎文璧

兩峯秋水問美人何處益金屋小袖雲藍寒
擁髻細草香生空谷扇底青山曲中紅豆縹緲
人如玉秦娘容與夜深同倚修竹眼前西子

西湖三年一覺好夢憑誰續如此消魂能有幾
消去愁塵千斛杜牧題詩嵇康縱酒慙是閑來
福六橋風月一時分付油犢

水龍吟

同宋射陵張雲山陸冰修飲黃大宗寓樓

斜陽驢背歸來羊裘細洒西湖雪青衫客到烏

程酒熟唾壺初缺嵐削芙蓉園叢桂樹舡堆楓
葉看飄搖滕六天公玉戲梅花賦心如鐵只
此樓高百尺破霜天旅懷淒切英雄未老江山
無恙千分吳越雨滴空階風吹衰柳又當離別
喜今宵爛燭酒場綦墅為余屐折

滿庭芳

祝宋射陵母夫人九十三壽

百歲高堂九州名士小山桂滿淮南一生貞孝
慈氏祝瞿曇畫荻九熊家教賢聲著不待邈三
人間瑞含飴食乳膝下有奇男才華如宋玉
龍門獻策騎省抽簪檄傳毛義坊表雲潭月映
瑤池仙島九光帳阿母垂簾鹽城會絳桃將熟
海屋又壽添

摸魚兒

祝園次

卷寒衾兩峰冰雪一帆吹到茗雲使君家在長
橋畔鎮日焚香擁袖風蕭颯留我住元龍百尺
陳蕃榻闌干花壓喜今夕論文話舊月滿蛟龍
筐 功名忤羸得縹緲粉搗蛾眉有人妬殺風
流似續揚州夢偏官閉門投轄枝三匝猶幸得
茗溪魚賤休彈鋏陽生絳蠟此日慶千春醉鄉

深處幾度暈紅頰

念奴嬌

祝吳伯成

柳塘花隍近蓬萊露濕松間雙鶴挂頰高吟人
道是晉代河陽潘岳兩袖清風一溪霖雨香繞
蓮花幕冰簾深卷紅燈偏照朱箔當日畫舫
泉亭追隨遊賞帆影尊前落又把金荷傾雪酒

醉倒仙山樓閣
宓子彈琴湘靈鼓瑟
暗轉陽春
脚百季如此年
同慶歡樂

祝楊炯伯六十

鹿園偕隱對鍾山
屏幃閉門高卧
我愛器之真
錢漢與我周旋
作我菊綻東籬
酒傾河渚種菜
為功課狂歌
痛飲滿眼雪花
飛墮
可惜千古
英雄吳霜點髻
短褐空穿破
自許風流江左日

一洗幽人寒餓氣吐虹蜺文成龍鳳異骨真
座君今六十休教百歲靈過

祝盛有終七十

先生七十喜尋花問柳瀟然行樂愛此六朝佳
麗地收拾荷衣芒屨用酒為年將暮度日翩若
雲中鶴橫琴捉麈疑在仙山樓閣為問璫玉
渾金古心道皂位置宜丘壑結伴逍遙閑杖屨